

Ղալաթու ևս անդ եկին ի տուն Տէր Ոհանին, և անդի գնացաք ի սէլիւր և անդ օթեցաք զգիշերն: Ի պալատ և ի պարտէզ Սիւաուշ փաշային և Ղալաթացիք գնացին:

Եւ ես առաւօտուն (14 Մայն) եկի: Երեկոյիս Տաճիկք արբեալ զինով երթան զճանապարհս իւրեանց, և ի ճանապարհին խաղալով ընդ միմեանս՝ հարկանէ մինն զմինն և անկեալ սատակի, և զմիւսն ևս ըմբռնեալ տանին ի վէզիւրն, և հրաման տայ և զնա կախել ի նոյն տեղւոջ ուր ոճիրն գործեցաւ ի ձեռաց նոցա՝ առ ի վլանկա:

Դչի (16 Մայն). զՊուրսայու Տէր Պետրոսն ի տուն մեր բերաք, զի անցեալ Եչին եկեալ էին ընդ այլ քահանայիցն իւրեանց և ընդ մեր Տէր Յակոբիւն: Եւ օրս զՏէլլաքն փոխեցին և ետուն զզափուտանութիւն Զուռնազանին:

Ուրբաթի օրս (18 Մայն) Հաճի Մարտիրոսին քոյրն մեռաւ և Շալղամօղլու Սօտալէրտին մեռաւ. և օրս Տէրտէրն ի յէֆէնտոյ տունն գնաց, զխարձ տանն հասպարասցեն: Եւ օրս ի վերի երկրէն մարդ եկն ըսփէնձ առնուլ ի գեղացոց:

Ի-իս օր կիրակի. Էֆէնտոնցն գնացաք, զի ունէին ինչս բերեալ ի տեղաց յոր եկին, եթէ առցուք ի տեղս դրամի. ոչ եղև:

Բչի (21 Մայն). Պուրսացիք գնացին:

ԻԳ-իս օր Եչի. Համբարձում Տեառն մերոյ Յիսուսի Քրիստոսի:

Այգուցս (25 Մայն) Տէրտէրն և Մղտեսին ի զիւզն գնացին զՍիմաւունն կարգել: Եւ երեկոյիս անդ ի ծովեզրն էաք հանդերձ վարդապետին իմ Տէր Յովաննէսին. եկն զափուտանն զոր էր ի կողմս Ուռումելոյ, անտի գնացեալ ի Պօղազն և հարցուկս եղեալ ծովուցն և թշնամոյն իւրեանց և անդ մտեալ ի նաւս զատըր-ղայից և եկն ի դուռս սահմանացն մեր: